Relebescher [Mellys, redigi

BERNHARD SCHULTHEIB

De Bernhard mit de siewwe Finger, dreht alle Johr gonz dolle Dinger ! Fer die Zeitung läßt er sich fotografiern, er will Fraa un Kinner on de Bodensee chauffiern. Un weil das eigne G'schäft so riesig, reist er mit Steuerfachmann Müsig. Geprobt werd uff're Tour om Vadderdoag. doch des war blous en Wasserschloag. Sie mache ins Grooveland hinnenaus, sponne dort die Geil glei aus, doch die mache fort - un eloah retour, do ziehe se selwert die gonze Fuhr! De Müsig muß sich bicke - der Bernhard schmeißt de Sattel druff, sou reite die doisch Erzboch ruff. Un wie der Müsig noch sou trabbt, säigt der Bernhard : 'Alles klar - des klappt !' Bald loade se mit veel Gedees, Fraa un Kinner in die Schees, und schon beginnt mit viel Juchee, die Reise hin zum Bodensee. Damit isch's net vergess die sin jetzt a im ADAC mit ehrm oahne PS! Doch glei on de erschte Steigung gabs a schun Malheur, denn die Kutsche woarn fer die Geil sou schwer. Domit die Geil koa Bloose krieje, sponne se en LKW vor - zum ziehe. Buckel nunner häwwe se donn en Mordszagge druff, de Müsig läßt die Brems emol uff, der weg gäit krumm,das Pferd kann nur noch gerade und das war für die Kutsche schade! Doch vum Wache falle die net runner, die bleiwe druff un leije drunner! Eingegipst und bandagiert hat sie der Nitsche überführt. Des Fuhrwerk war nimmäi zu rette da hilft netemol die ADAC Plakette. De Bernhard fährt noch 2 - 3 Tag, donn hot a dem soin Gaul de Schloag. Bei de Heimkehr koa Presse, Zeitung un net fotografiert, bei dem Unnernehme häwwe se sich schäi blamiert! Häwwe se a uff de Fahrt koa Glick finanziert werds doisch en Steuertrick

Un ehr Musikante speelt net faul : Kurze Reise - großes Maul !!

BRAND IM LAGER

Die Siren hot g'heilt , die Leit sin gerennt, wiamol hots Lager gebrennt! De Helms Adam , noch in longe Unnerhose , is als erschter uff den Brandherd g'schdohse, doch a der Fritz war in kürzester Zeit, an dem Feuer löschbereit. De Bifi un de Massig , mit ehrne grouße Schuh, trete des Feuer aus im Nu. Denn auf dem Spiel stand ja auch viel: Das Mittagspausenpennasyl !! Deshalb woahrn die sou uff Trabb do feiern die er Stunne ab ! Denn is es Wetter schlecht oder denne is es net gut, werd sisch do driwwe ausgeruht . Jetzt gäit ewwer die Kripo mit Gewehr un Hund der Brandursache auf den Grund. Der Hund der schnuppert nur e Weil un macht schnurstrax niwwer zum Keil. Doch der Keil der dut beteuern : 'Isch dou blous schieße - un net feuern !' Trotzdem hat er eine Nacht, in der Kripozell verbracht. Nach 5 Stunn Verhör mache die Polizischde schlapp, der Keil legt kein Geständnis ab. Un die Indizie un der Hund, woarn holt koan Verhaftungsgrund ! Un die Musikante speele im Duett sou krie die den Keiler net !!

HELM'S DISCOTHEK

Beim Adam duts mords Schläg ab un zu leeft a die Säg die Else guckt aus em Fenschter raus. die baue jo ehrn Keller aus ! Die junge Kerl vum gonze Ort, holte Owends mit de Mopeds dort, schlaafe Matratze noi un neggle Schwaarte, donn doun se uff die Mädchen waarte ! Monschmol doun se a blous brenne, damit se noachts a kreische kenne. Doch Achtung Jungs - der Feind hört mit : denn nebenan ist 'Pension Schmitt'! Dem Schweewel des nix mache deeft, weil der jo a uff de Gemoinde schleeft. Doch die Schmitte häwwe Ohrn. sin die in de Haiselshouhl geborn ? Un werds donn noachts sou Uhres drei, schleischt garantiert der Lenz vorbei. Er dut en Zettel raus un liest sodann, den Spruch vun de Else , weil er en net auswennisch kann. Ehr Münner macht net sou en Krach sunsccht wern die gonze Kurgäscht wach ! Aahch mehr füllt des schloofe schwer, weil isch uffpasse muß,daß isch wos heer !' Wos uns on dere Sach sou steert, is, dall de Adam owwedrou pennt un niemols wos heert ! Ehr Musikante lost e Lied erklinge Uff die Kerle wou im Schloofonzug uff de Stroß rumspringe!!

BAU - LÖWE SCHMIDT

Alle moahne se Einzelhandel wär Scheiße, doch der Igge dut'se ne weise ! In soim Gschäft wor alles drin. vum Büstenhalter bis zur Ölsardin ! Des Zeug wor gut - die Preise tief, alles klar - der Laade lief! Vor 3 Woche hot er als EDEKA - Mann dann abgedankt : 'Isch hab genug - moi Geld des langt !' Ab erschte September kimmt en Päschter drou, hoffentlisch werd der bei dere Pacht noch frouh! Doch der Igge muß weiter herzhaft ran. daß er weiter sou gut läwe kann. Denn om Leo konn er net veel zappe, der mull fer em Che soi Haus berappe ! Doch ehr Leit - ehr seht jo wos passiert : De Kellerstock vum griene Plan finanziert. bis iwwers olde Backhaus naus, entsteht da ein Appartementhaus ! Die Jung pussiert em Schmiedsjäig soin Sohn, der macht donn fer nix die Instalation. On dem Bau gäils noch 3 Johr rund, wenn der emol stäit , donn sin mer g'sund! Wie mer hinnerum sou heern. soll der Linse dort Hausmoaschter wern ! Im Summer Raase mähe - im Winter fer de Schnee . der soll zur allgemeine Verwendung zur Verfügung steh ! Fraa schenk emol oi - es muß a mol getrunke soi

Der Leo is schun aus de Ruh,
der baut mer noch moi Fenschter zu !
Un ehr Musikante Speelt ganz laut :
koan Loaade mehr — jetzt werd gebaut !

HUGU ERDMANN

Er Leit , es is jo schun en Hohn, sougar der Hugo macht jotzt off Pension ! Wer hot do g'soaht er weest nix devuh ? passt emol uff un heert emol zu:! Er hot sisch g'soaht : des sin doch koa Sache, mit sou em olde Haus kimmt mer nimmäi zum Lache. Un mit de Bauerei is es eeh schun e Weil vorbei. Aah bei de Heiter hat er die längste Zeit abgesahnt: der Nitsche hat ein Mods Reitstall geplant. Do säigt dem Hugo soin achte Sinn: in dem Houf steckt nixmäi drin ! Er inscriert in de Zeitung : ' Verkauf Haus un Scheuer, Verhandlungsbasis: 'Möglichst teuer !!' Kaum trägt die Else die Zeitung aus, stäin schun die Interessente Schlange vorem Haus! Die biete dem Geld bis in die Millione, doch des eloah dut sich beim Hugo net lohne. Do kimmt donn oaner, mim entscheidenfe Satz: Isch biet net blous Geld - isch biet a Ersatz Du kriegscht Geld un e Haus im Nibelungering ' is des net e Ding !' Der Hugo säigt zu soinre Annel: 'Des is doch en gute Hannel . Es war net de Jäigsbacher , der demsoi Gelände eigentlich bräucht, es war de Samer - im Ort de reichst! Dem Hugo schwebt es vor ganz groß: e Pension in de Prominentestroß . Fraa es is jo koa Problem -Du schulst jetzt umm auf beguen. Uff doim Arbeitsplan stäin blous noch 2 Sache: Bette schittle - Friestick mache... Do säigt se : 'Jetzt ist es souweit awwel keern mer zu de gemachte Leit! Hough dem Samer soinre Versprechunge denke- se un en Appartementblock doch wie so es Haus sehen, krieje se en Schock denn es stellt sich hierbei raus : Es war blous de Ottsen ehr Haus !

Un die Moral von der Geschicht: sou hot der Samer den Scholzepäider sellemols a verwischt! Dem Sportverein soi bekonntschti Grupp, is nach wie vor der Rodelclub.
Unsern Wängner – als Sportlehrer bekannt, nimmt das Training in die Hand.
Die Fraa Spatz dut bei ihm Talente wittern un dut ihn als mit DUPLO fittern.
un schon passiert mit ihm ein Wandel: er schafft mit Sprungseil, Arsch un Hantel.

Doch der allergräischte Gag, is die Aodeltrockestreck: uff em Weg - vum griene Plan gebaut, häwwe die en Strich druffg'saut : Krumm un Schepp un a noch Booche, wos is des doun die Leit sich frooche; om En do kumme se zu dem Schluß, daß do en Weisbinner Farb verlorn hou muß ! Doch ehr Leit - mer soache's eisch - intern : auch der Stich entsprang des Trainers Hern. Ah die vum Fernseh häwwe emol lache wolle, drum doun se dort en Film abrolle. Beim drehe warn se all ganz wild : jeder wollt uffs Fernsehbild ! Die Inge schmeißt in altem Stil ihre Brüste ins Profil, de Wängner interviewe se ewwer zeije doun ses net, weil der jo vum rodle koa Ahnung hätt! Donn fahrn se mit de Kamera retour, schalte um uff breite Spur, un filme dann mit großem Eifer, de Reih nooch die Familie Pfeifer . Die Amanda, die Kloa un donn mit Brill: de Chef vum gonze - Pfeifer Will. Blous die Chris - die war net druff, die bringt nämlisch koa AAg net uff! Natirlisch war a de Boijemoaschter mit vun de Partie, denn wenn wou g'filmt werd rennt der hie; der hotse donn a zum Seibold g'fiert, dort häwwe se g'soffe un diniert, un wenn er schäi druffkumme deet,kreegte se a noch e Freßpaket ! Enhalwe Doag häwwe se gedreht, jeder moahnt ,daß er gezeigt wern deet, doch bei de Sendung stellt sich raus im Nuu, de Star vum gonze woar e Kuh !

Un die Musik speelt gonz wild a der Sis war net im Bild !

SCHUPP und CHE

Zwo Kerle häwwe sisch vorgenumme, schnell on de oannere Leit ehr Geld zu kumme Der Dane is soi Lebdoach Student, der Oanner hockt in Mischelboch uff de Gemoinde un pennt. Der war a long bei de Bundeswehr, un der Felder kriegt soi Pennisch wer waas wouher. Doch des Geldlongt denne vorne un hinne net aus der Felder megt heijern un der Che baut e Haus; un weils noch sou weit is bis zu de Rente, wern se Versicherungsagente! Wir versichern alles : Mann und Maus, Hinkelstall un Gartehaus, un klappts in der Ehe mal nicht ganz auch da springen wir ein : Die ALLIANZ ! Damit die Leit die Versicherunge buche, mache die dauernd Hausbesuche. Ob Mittogs um 12e ob Noachts um 3 die schlaafe immer sou Outräg bei. Selbst wenn mer koa Versicherung will - do hilft a koan Trick, die zwo sin lästischer wie e Aabeemick ! Neulich klingelt der Schupp wou im Ort, do kimmt der Monn raus , jäigt en fort, de Felder schtäit vor de Deer un grollt -'Isch häb doch blous die Tippzettel gewollt' Die zwo Kerle wern denne Leit zur Qual, do schreiwe se nach Frankfurt an die Zentral: 'Lieber Herr ALLIANZ ,des müsst doch geh: e Versicherung gäije Schupp un Che !'

Die Musik speelt un jeder kichert mer sin jetzt Agenteschutzversichert !

```
Es is schun en Witz , was der Rekrut
unsern Pico . dehoam verzäihle dut :
Beim Jimmy Carter wär er Spalier Gschtoanne in de erschte Reih,
un bei jedem Empfang war er debei;
er heet :Ähi Jimmy ! gerufe un sich uffg'fiert,
mer häwwe uns herzhaft amüsiert !
Er derf noch netemol aus de Kasern
un verzähilt vum Spalierschtäin bei sou houche Herrn !
Mer soache eisch die Woahred ehr Leit:
er war noch netemol oigekleid!
Die oanzische wous glaawe sin der Sis un die Inge,
die doun donn mit dere Noochricht im Gonze Ort rumspringe.
Wenn der Pico e Halbjohr debei is verzäihle die bestimmt überall :
'Unsern Buh is General !'
Unner denne im Haus wohnt a en Spinner -
der verzäihlt noch dollere Dinger !
DE Lilo ehrn Hotz dut endlich kapiern.
mit Poker un Würfel läßt sich's Studium net finanziern!
Doch brauch er jede Menge Kies,
fürs Auto, Funken, das und dies,
drum konn er jetztnur noch halbtags studiern,
er muß nämlich Kühlschränk repariern,
verkaaft olde Fernseher mit Gewinn
un steckt sicher noch in oannere Schwarzmarktgeschäfte drin!
Un die Lilo hat jasaht :
er fährt a noch de gräischte Laschter wou de Weber hat .
Un die Musik spielz jetzt munter:
```

Main Jott Junter !!

1 : O FÜR MEINE STADT

Schun zwomol häwwe mer die Sendun g'hatt 1: O für meine Stadt . Des gonze Ort war uff de Boah, die Kurhall, die war fascht zu kloah ! Sougar Kurgüscht warn debei, denn die Veranstaltung war 'Eintritt Frei' De Ruhr un noch vier Dame bilde uff de Bihn de Roahme. Dem soi Begrüßungsredd woar long un groß , doch die Punkte war mer lous. Äwwer im Keller sitze vun weit un breit, fer alle Frooche die schlauschde Leit! Dem Baschdel - sonst Ideenreich wern in der Hall die Kniee weich ; er sollt e Redd holde iwwer Giggel un ähnliche Dinge, äwwer er wor netemol mit Gewalt uff die Bihn nuffzubringe . Do nimmt der Felder, Träger des 'Schlappmaul am Band' diese Frage in die Hand ! Er verzäihlt vun Giggel grouß un kloah, vun Giggel die wou gäihn om Roah, er dut krähe un dut grunze un die Punkte die worn unser ! Mer wolle jo in de Kerweredd net lieje, doch es is bekannt, daß bei uns die Gäscht die Hoor gschneere krieje ; un Owends in de Wertschafte bei Bier un Wein, saare mer se a noch rischdisch ein. Un weil mer sou in Iwung sin, mache mir den 'Hasiermesser - Punktgewinn'! Un so ist es uns gelunge, mer häwwe zum zwottemol den Sieg errunge ! Unsern Bojemoaschder - es war noch vor de Wahl schmeißt Freibier fer de gonze Saal ! Un die Musik macht jetzt oaner druff: der is wia gewählt , jetzt heert des Freibiersaufe uff !!

HELMUT WASSERLUTZ

De Wasserlutz Helmut is seit'em e Johr beim Bund de FAhrervun'em Major Un dem Job hot er schun lang die Luscht verlohrn. er mull mäiner es Auto putze als wie foahrn, aullerdem dut ihm a stinke : als Fahrer derf mer gornix trinke un immer :'Zu Befehl , jawohl Herr Major' Ehr Leit wie kumm isch mer donn vor ? Bei de Marie war er immer de liewe Buh. drum setzt ihm die Bundeswehr a doppelt zu! Do hot der Helmut korz beschlosse : die letzte Doage Bund wern in Auh genosse ! Nooch em Fußball, beim Engels hot er a en schäine Schloag, un säigt jetzt mach isch mer e paar schäine Doag ! Er rieft ou in de Kasern : Isch kumm die Woch net. bin krank dehoam un laig im Bett. konn iwwerhaabt net aus em Haus. seid sou gut un rischt dem Spieß des aus !! Monduags werd donn erschtemol ausgepennt. donn is er uff Monnem on die Unnidät gerennt. Mit e paar Freunde hot er emol geguckt un in de Mensa gfresse, Kasern un Bundeswehr worn vergesse... Doch dem Helmut soin Spieß is en olde Fuchs. der kennt unsern Wasserlutz ! Er heert blous die Meldung un säigt :'Meine Herrn, des häwwe mer gern ! Der Kerl is net krank, do is nix geloffe. der wor blous om Wochenn vollgsoffe De Kommandeur brauch ihn - spätschdens moije um elfe, do schicke mer Leit hin - dem Kerl wer mer helfe !! Un sou kumme donn vun de Bundeswehr e paar Dolle Mondoags uff Grasemboch um den Helmut zu holle! Mit Stahlhelm uff'em Kopp,un Pischtol des muß soi. sou falle die beim Ludwig oi !! Loß uns noi ins Haus mer häwwe en Grund, mer suche doin Buh - wou versteckt sich der Hund ?! Dem Ludwig zirren glei die Knie. er Stottert em un her un hie ... Do kimmt zum Glick de Hoinz deher, der hot Erfahrung - war long genung bei de Bundeswehr. Der Säigt: De Helmut der is nicht zu Hause, macht doch sou long beim e Bier'sche Pause'.. Doch de Helmut bleibt in Mannheim bis weit nooch de vier. do kumme se holt en Doag später nochemol uff e paar Bier! Dall der Helmut net bestrooft werd is jetzt nimmäi verdächtig. bei souveel Bier sin Soldate bestechlich !!

Un die Musik spielt jetzt in der Tat das Lied vom Bundeswehrsoldat !

SCHORSCH SCHWÖBEL

Mer häwwe im Ort en ganz en Schlauer, schafft uff de Gemoinde - is Hobbybauer. vermiet im Wiesedoahl e grouß Haus un hilft bei de Heimatbühne aus. Er dut bei denne net mitspiele. er will jo blous im Geld rumwiehle ! Des macht dem Schorsch sou rischdisch SpaB drum sitzt er Owens on de Kass. Unn wenn die donn fresse, saufe un mache wouhie, is der Schweewel mit vun de Partie. Sou sin se noche're Prob uff de Gailsmoijgt gerennt, weil do jo noch wos lous soi kennt. De Schorsch sieht e Parklick - un schießt noi, denn sou e Auto will jo obgschtellt soi. Er will grad soin Gurt abschnalle, do duts ums Auto furchbar knalle. Er schmeißt de Gang noi un fährt an 🗕 weil da ja was passiert sein kann! Die Annern, die warn ganz verschrocke : iss der Schweewel donn vun de Socke !?? Fährt do fort - gonz ohne Grund, is des sou en schäle Hund ? Doch er schleicht zurück zur gleichen Stelle un sucht an Nachbarwagen Delle! Do mache ihm die Annere klar. daß der Krach blous vum Feierwerk war ! Trotzdem spresche mer den Sorsch net frei. denn soi Verhalte woar Sauerei. Denn wenn mer den Fall rischdisch unnersucht, war soi Verhalte : Fahrerflucht !! Mer woarn im Komitee jo gonz geschockt, daB sou en Kerl uff de Verwaltung hockt. Mer hoffe das der Schorsch uns heert die Sach wor schun en Knolle wert !

Er Musikante singt es frei heraus : De Schwwewel gibt uns oaner aus !!

MINK'S KUH - KONVOI

Uff den Herrmann Mink fällt mer a wos oi. 's betrifft soin täglische Kuh - Konvoi ! Denn weil soi Kih net immer drauße bleiwe. misse'se alsemol doisch's halwe Unnerndorf treiwe. Er zieht die vorerscht Kuh doisch de Verkehr, de Walter leeft als Schlußlicht gonz hinnerher, un for den Fall, daß unnerwegs e Stick Vieh ausreist. is der Otto do - der den Konvoi mim Fahrrad umkreist ! Und so ist die ganze Prozession ein Beispiel moderner Organisation. Doch die gonz Organisation is zusommegebroche. de Walter häwwe se zur Bundeswehr oigezoache. Der muß jetzt a als Herdevieh. in de Reih marschiern - wie es Valtins ehr Kih! Sou is es emol kumme , des wor gonz klar, daß der Herrmann der einzige Kuhtreiber war. Er nimmt die Sachtrotzdem net sou schwer, blous die Kieh wolle oannerschter als wie er. Die Vorrerscht hot er fescht om Gscherr - die konn net fort, doch die oannere Kieh laafe nuffzus im Ort! Un des ohne Treiber – un ohne Begleiter, doch der Herrmann mäigts net un leeft ruhug weiter. Als ers on de Tankstell donn mitkriegt, sich umdreht un stutzt, häwwe die Kieh schun bis zum Igge die Stroß verschmutzt! Do war der Herrmann herzhaft sauer man hats halt ziemlich schwer als Bauer !!

Beim Hagen in de Wertschaft is immer wos los, woher nimmt der Adam die Nerve blos ?

A de Mink war auber de Reih, on dem Stammtisch emol debei. Wei normal die olde Minke immer nur des Freibier trinke. Doch on dem Owend hot er bezoahle misse, un a glei en Bolze gerisse! Lindy der Ältere hot gehetzt, de Mink hot schun herzhaft obgepetzt, schitt gäien Bier in soinre Rage doch er trifft de Steppa in de Visage! Ehr Leit wor des e Snuerei! die Lisabeth schlaaft Eimer bei, des heet der Mink net mache derfe — denkt on'em Adam soine Nerve!!

Die Fraa Wolf hot jetzt a de Fihrerschoi un fährt in'em Adam soi Auto lauter Delle noi. Fer den Adam is es jetzt e groußes Malheur: des Auto verkratzt un de Tank als leer! Mer sin houchgestellte Leit – bekannt im gonze Ort, un mit soure alde Schees – do fahrn mer nimmäi fort! 'Das beste Auto auf der Welt, is der R S – werd glei bestellt!' Der is a net sou deier, in unnerhaltung un in Steuer. Doch des Auto is soo klein, de Goldi ,soin Hund , guckt zum Fenster rein, des ärgert unsern Adam sehr – wo nimmt der nur die Nerve her ??

Doch des alles macht ihm noch net souveel aus, omm schlimmschte sin die Tiern im Haus!

Veggel,Schildkreet mancherlei —
alles schlaaft die Gaby bei.

Uff oamol bringt die ohne Grund,
dem Adam noch en kloane Hund...

Doch der Hagen sieht des gernet gern,
daß die Tiern immer gräißer wern!
Glei druff werd a beim Engels G'feiert,
denn die Gaby hot g'heiert.

'Mer un de Lisabeth,uns is jetzt klar,
1970 war ein schlechtes Jahr!
Des heet net passiern derfe —
Ehr Leit koscht misch des Nerve!!

Fraa schenk emol oi es muß a mol getrunke soi !
Un ehr Musikante dut uff die Pauke schloage ,
mer derfe jetzt a OPA soache !

Un weil mer des soache derfe — Ehr Leit koscht des den Nerve !!

DOC NITSCHE

Iwwer de Sparkass soll e Praxis soi, do derf angeblisch nimmäi jeder noi ! Dut der Nitsche soin Hund ausfiehrn, oder äijendwou Gail dressiern, oder fährt er beim Minke - Bauer Jauche do konn mern brauche ! Doch kriegt soi Fraa emol e Kind un dut e paar Woche fehle, do muß er in die Praxis noi – muß selwert Doktor speele ! Als erschtes hängt er Schilder naus : 'Alle Kurgäscht bleiwe draus !' 'Bei uns hat sich was gewandelt die wern nicht mehr behandelt ! Wos deet isch a mit Badeschoi, die bringe mer fascht garnix oi !' Die sin blous fer die Hoteliers gut, un uff die hot er souwiesou e Wut ! Un a die Kerl: vun de Gemoinde, des sin a net soi Freunde . Vun denne hält der Doc net viel, weil se ihn net baue losse wie er will. In de Planung war e groußes Haus, fascht im Wald om Käischbäig draus . Doch dut der Nitsche noch sou hetze , a fer Doktor gelte Gesetze ! Mit Schilder on de Praxisdeer un noch sou oannere Dinge , läßt sisch do nix erzwinge ! Un die Musik soll speele fer misch un moi Fraa 🗕

der Nitsche soll baue wie oannere Leit aah !!